



UNIVERZITET U ZENICI
- R E K T O R A T -
Kancelarija menadžera za kvalitet
01-22-1-1995/15.
Zenica, 03. 06. 2015. godine

Z A P I S N I K

sa 03/2015. sastanka Odbora za kvalitet Univerziteta u Zenici
održanog u utorak, 12. 05. 2015. godine, u 13,00 sati
u Rektoratu Univerziteta u Zenici

Prisutni: v. prof. dr. Malik Čabaravdić, prorektor za međunarodnu saradnju i osiguranje kvaliteta; prof. dr. Aleksandar Karač, prorektor za naučnoistraživački rad; doc. dr. Ibrahim Plančić, QA menadžer UNZE-a; Mediha Arnaut, generalni sekretar; Željko Bodul, dipl. ing., Ministarstvo za obrazovanje, nauku, kulturu i sport ZDK-a; doc. dr. Samir Lemeš, QA menadžer Politehničkog fakulteta; doc. dr. Nebojša Vasić, QA menadžer Filozofskog fakulteta; doc. dr. Spahija Kozlić, QA menadžer Pravnog fakulteta; doc. dr. Adnan Mujkanović, QA menadžer Fakulteta za metalurgiju i materijale; v. asist. mr. sc. Denis Spahić, QA menadžer Mašinskog fakulteta; mr. sc. Azemina Durmić, koordinatorica Ureda za osobe s posebnim potrebama; Miralema Bašić-Buzaljko, dipl. ing., Studentski centar; Aras Borić, dipl. komparativist i dipl. bibliotekar, voditelj Univerzitetske biblioteke; Denis Vejzović, student; Dino Tihić, student; v. asist. Mirza Oruč, MA, QA menadžer Zdravstvenog fakulteta i ECTAS koordinator UNZE-a; i Lamija Subašić.

Za sastanak je usvojen sljedeći:

DNEVNI RED

1. *Interna evaluacija stanja UNZE za 2014. godinu - finalna verzija*
2. *Strategija razvoja UNZE 2015-2020 - finalna verzija - eventualne primjedbe i sugestije na finalnu verziju*
3. *Nacrt izmjene kriterija za institucionalnu akreditaciju, informacija*
4. *Analiza realizacije zaključaka u vezi sa izradom dokumentacije*
5. *Utvrdjivanje koraka na pripremi za prelazak na e-anketiranje studenata*
6. *Informacija o isticanju mandata članovima Odbora za kvalitet*
7. *Razno*

Ad. 1.

U vezi s evaluacijom stanja Univerziteta u Zenici za 2014. usvojen je sljedeći

ZAKLJUČAK

Odbor za kvalitet Univerziteta u Zenici primio je k znanju informaciju o završetku interne evaluacije stanja UNZE-a i tu je informaciju prihvatio.

Ad. 2.

U novu radnu verziju ovog dokumenta nisu unijete primjedbe, koje su dostavili doc. dr. Samir Lemeš (u vezi s poglavljem 10., numerisanjem radnih verzija, brojem studijskih odsjeka te drugim suštinskim pitanjima koja su još uvijek nerazjašnjena); doc. dr. Spahija Kozlić (u vezi s pokretanjem doktorskog studija na Pravnom fakultetu); Željko Bodul, dipl. ing.; prof. dr. Aleksandar Karač; te predstavnici Metalurškog instituta.

ZAKLJUČAK

Odbor za kvalitet prihvata da je stigao konačni nacrt Strategije razvoja i zauzima stav da se sve izmjene dostave prorektorima u pisanom obliku u roku od 15 (petnaest) dana.

Ad. 3.

Doc. dr. Ibrahim Plančić, QA menadžer UNZE-a, prisustvovao je 28. aprila 2015. sastanku o izmjenama kriterija za institucionalnu akreditaciju - izmjene se odnose na neke tehničke detalje, dok su sami kriteriji dati opisno. Na sastanku u Banja Luci prisutni su bili obaviješteni da je trebalo da do 6. maja 2015. daju stav o tim kriterijima, što nije pravovremeno dostavljeno, te se primjedbe još uvijek mogu poslati. U nastavku su doc. dr. Ibrahim Plančić, Mirza

Oruč, MA, doc. dr. Samir Lemeš, Željko Bodul, dipl. ing. i doc. dr. Nebojša Vasić učestvovali u razgovoru o: karakteru novih kriterija, stručnjacima koje angažuje Agencija za razvoj visokog obrazovanja i osiguranje kvaliteta Bosne i Hercegovine (HEA BiH) i cijeni akreditacije studijskih programa.

Ad. 4.

Nacrt procedure za prijavu i polaganje ispita napravljen je u skladu sa studentskim primjedbama, koje je uveliko (70-80%) obuhvatio. Studentima je potrebno dati još vremena da analiziraju nacrt, a također ga treba poslati fakultetskim QA odborima radi dobijanja povratne informacije. Predloženo je da se navedena procedura počne koristiti prije junskih rokova.

S obzirom da je nacrt procedure mjestimično u suprotnosti sa Statutom UNZE-a, a u skladu s prijedlogom Generalnog sekretara UNZE-a, u narednih nekoliko dana održat će se sastanak s predstavnicima studentskih službi, koji su direktno uključeni u ovaj proces. Također je potrebno izvršiti usklađivanje i sa drugim pravilnicima UNZE-a, jer se neki propisi flagrantno krše u ovoj verziji procedure. U daljem razgovoru su učestvovali Dino Tihić, student; gen. sekretar Mediha Arnaut; doc. dr. Samir Lemeš; Denis Vejzović, student; i Miralema Bašić-Buzaljko, dipl. ing., nakon čega su usvojeni

ZAKLJUČCI

1. Odbor za kvalitet prihvata predloženi nacrt procedure.
2. Generalni sekretar Mediha Arnaut zadužuje se da organizira sastanak s rukovodiocima studentskih službi, a rok za dostavu primjedbi je 20. maja 2015.
3. Tim za reviziju ove procedure će razmatrati primjedbe 25. maja 2015. i potom proceduru dostaviti QA odborima na organizacionim jedinicama, koji su dužni razmotriti i do 5. juna 2015. dostaviti primjedbe.

Ad. 5.

S obzirom da je anketni upitnik 'iscrpljen', treba razmišljati o promjeni anketnog upitnika i ocjenjivanja, povećanju broj pitanja (sada ih je pet definisano), anketiranju na postdiplomskom i doktorskom studiju, te o olakšavanju analize podataka. Pošto je svrha ankete uočavanje problema i njihovo korigovanje, treba ocjenjivati osoblje i potom sumirati podatke sa raznih fakulteta.

ZAKLJUČAK

Odbor za kvalitet daje ovlasti QA odborima da prema mogućnostima provedu anketiranje, te da u skladu sa tehničkim mogućnostima prelaze na elektronsko ocjenjivanje.

Ad. 6.

Dana 22. juna 2015. istječe mandat članovima Odbora za kvalitet, stoga treba predložiti novi sastav Odbora. Potrebno je definirati termin za dostavljanje prijedloga s organizacionih jedinica, kako bi se mogla donijeti Odluka o formiranju Odbora za kvalitet UNZE-a. Za predstavnike, kojima je ovo prvi mandat, postoji mogućnost ponovnog izbora.

Ad. 7.

Prof. dr. Malik Čabaravdić i doc. dr. Samir Lemeš će do 20. juna 2015. definirati projektni zadatak za izradu softvera za alumni-mrežu/e, a s obzirom na ponudu diplomanta s Univerziteta u Mostaru.

Sastanak završen u 14.25 sati.

Zapisnik vodila: Lamija Subašić, prof.

Menadžer za kvalitet
Univerziteta u Zenici

Prorektor za međunarodnu saradnju i
osiguranje kvaliteta Univerziteta u Zenici

/doc. dr. Ibrahim Plančić/

/prof. dr. Malik Čabaravdić/